



ურთიერთთანამშრომლობის მემორანდუმი

სსიპ ღავით აღმაშენებლის სახელობის
საქართველოს
ეროვნული თავდაცვის აკადემიასა

და

სსიპ ივანე ჯავახიშვილის სახელობის
თბილისის
სახელმწიფო უნივერსიტეტს

შორის

ურთიერთთანამშრომლობის
მემორანდუმი

სსიპ დავით აღმაშენებლის სახელობის საქართველოს
ეროვნული თავდაცვის აკადემიასა
და
სსიპ ივანე ჯავახიშვილის სახელობის თბილისის სახელმწიფო უნივერსიტეტს
შორის

ქ. თბილისი

06 12 2013 წელი

მუხლი 1. ზოგადი დებულებანი

ერთი მხრივ სსიპ დავით აღმაშენებლის სახელობის საქართველოს ეროვნული თავდაცვის აკადემია (შემდგომში – აკადემია) და მეორე მხრივ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში უნივერსიტეტი), ამ მემორანდუმის გაფორმებით გამოხატავენ ურთიერთთანამშრომლობის სურვილს და თანხმდებიან ითანამშრომლონ თანასწორუფლებიანობის პრინციპისა და ერთმანეთის ინტერესების გათვალისწინებით.

მუხლი 2. მიზანი

აკადემიასა და უნივერსიტეტს შორის მემორანდუმის გაფორმების მიზანია, ხელი შეუწყონ უნივერსიტეტის სტუდენტებისა და აკადემიის მსმენელების მაღალი კვალიფიკაციის პროფესიონალებად ჩამოყალიბებას, მათი პიროვნული პოტენციალის რეალიზაციას, პატრიოტული სულისკვეთების გაძლიერებას, პრაქტიკული უნარ-ჩვევების შექმნასა და განვითარებას, აგრეთვე პროფესორ-მასწავლებელთა კვალიფიკაციის ამაღლებას.

მუხლი 3. მხარეთა უფლება-მოვალეობები

მემორანდუმის მიზნებიდან გამომდინარე ურთიერთთანამშრომლობით მხარეები უფლებამოსილი არიან:

- ა) შეიმუშაონ და განახორციელონ ერთობლივი საგანმანათლებლო პროგრამები;
- ბ) ორგანიზება გაუწიონ ერთობლივ ლექცია-სემინარების ჩატარებას;
- გ) განახორციელონ მოკლევადიანი პროფესიული განვითარების პროგრამები;
- დ) ხელი შეუწყონ პროფესორ-მასწავლებელთა კვალიფიკაციის ამაღლებას;

- ე) ითანამშრომლონ ბიბლიოთეკის საკითხებთან დაკავშირებით;
- ვ) განახორციელონ სტუდენტთა და მსმენელთა ერთობლივი გასვლითი საველე ტრენინგები აკადემიის სასწავლო ბაზაზე.
- ზ) განახორციელონ მსმენელთა და სტუდენტთა თეორიული და პრაქტიკული ტრენინგები უნივერსიტეტის სასწავლო ბაზაზე.

მუხლი 4. პასუხისმგებლობა

ეს მემორანდუმი დაფუძნებულია კეთილ ნებაზე, მას არ აქვს იურიდიულად სავალდებულო ხასიათი და არ ითვალისწინებს რაიმე ფინანსურ ვალდებულებას მხარეთა ურთიერთთანამშრომლობის პროცესში.

მუხლი 5. გარდამავალი დებულებები

- 1. ცალკეული ღონისძიებების ჩატარება და სხვა სახის ერთობლივი მოქმედების განხორციელების რეგულირება მოხდება მხარეებს შორის შემდგომი მოლაპარაკების შესაბამისად ორმხრივი შეთანხმების საფუძველზე;
- 2. ნებისმიერ მხარეს შეუძლია მოითხოვოს მემორანდუმის გაუქმება მეორე მხარისთვის 30 (ოცდაათი) დღით ადრე, წერილობითი შეთანხმების საფუძველზე;
- 3. ამ მემორანდუმის გაუქმების შემდეგ მხარეებმა მათი შესაძლებლობის ფარგლებში უნდა განახორციელონ ყველა აუცილებელი ღონისძიება მემორანდუმის ფარგლებში უკვე დაწყებული პროექტების დასასრულებლად;
- 4. წინამდებარე მემორანდუმი შედგენილია ორი თანაბარი იურიდიული ძალის მქონე ეგზემპლარად და ძალაშია ორი წლის განმავლობაში, მისი ხელმოწერის დღიდან. აღნიშნული მემორანდუმის ვადა შესაძლოა გაგრძელდეს მხარეთა ურთიერთშეთანხმებით.



ზურაბ აგლაძე

სსიპ დავით აღმაშენებლის სახელობის საქართველოს ეროვნული თავდაცვის აკადემიის რექტორი



ვლადიმერ კავთავაძე

სსიპ ივანე ჯავახიშვილის სახელობის თბილისის სახელმწიფო უნივერსიტეტი რექტორი